

Styremøte 04.11.01 i Framarsvika hjå Rune.

Tilstades : Rune, Roald, Karna Lise, Laila og Terje S. for Reidar.

Sak 1. Rune informerer om korleis det ligg an i forhold til klubbhusplanar og tomtmulegheit. Tomt attmed elva som var 1.ønsket til klubben går ut p.g.a at område allereie er leigd bort.

Alternativet er det som først var tenkt, nemlig på motsatt side av øyra, der vi i dag har utgangspunkt for torsdagstreningane, men nett innom moloen som båtklubben har bygd, på asfaltert dekke (gamle rullebana). Både båtklubben og kommunen er positive til at vi kan sette opp eit klubbhus / lagringshus i storleik 6.5 X 10 meter. Det som gjenstår er det formelle papirarbeidet. Rune, Tore og Arvid har jobba med dette i sidan i vår. Arild Våge kjem inn i tillegg på arkitekt/teiknesida. Vi har litt midlar til dette formål, men manglar framleis ein del, noko vi satsar på å få inn i løpet av våren slik at bygginga kan starte.

2. Kajakkbase:

Klubben disponerar no ein kajakkbase beståande av ein kajakkhenger med 8 stk havkajakkar i plast, komplette med spruttrekk, vestar og åre i tillegg til våtdrakter. I tillegg har vi 1 stk Nordkapp, 1 stk Eskimo, og så blir dei to Nordneskajakkane ferdige til våren, alle komplette med basisutstyr. Då har vi 12 kajakkarar disponible.

3. Endring av utleigeprisar:

Styret foreslår følgjande endringar på pris ved lån/ leige av klubbens kajakkar:

Lån av kajakk på treningar i klubbens regi : Gratis. D.v.s på torsdagstreningar og ved bassengtrening, e.v.t andre treningar som er organisert frå klubben si side. Dette gjeld ikkje turar organisert av klubben då gjeld prisar som ved lån av kajakk på eige initiativ.

Lån av kajakk på eige initiativ og på turar organisert av klubben :

Dag-pris: 50 kr

1 døgn: 100 kr

2 døgn/ weekend: 150 kr

Utover dette 75 kr ekstra pr. dag ??

Lån av kajakk føreset gjennomgått grunnkurs eller vise tilsvarende kunnskap.

4. Kortsiktig lån frå medlemmane.

Rune har lagt ut 12500kr for kjøp av kajakkar og diverse padleutstyr som ei mellombels løysing for lån frå medlemmane som vart klarert på årsmøtet i januar/februar. Denne summen blir no fordelt på klubbmedlemmer som kunne tenkje seg å låne eit beløp på 500-1000 kroner til klubben, slik at Rune får tilbake det han har lånt ut.

Karna Lise føreteik ei ringerunde til medlemmane for å kartleggje kven som kan tenkje seg å vere med på dette og e.v.t med kor stor sum. Det blir og sendt ut eit informasjonsbrev om dette i forkant.

5 og 6 og 8. Kursing i padling /trening på sjøen/rullekurs.

Mykje positiv tilbake melding på gjennomføringa av grunnkursa som vart avvikla i vår. Det er ønskeleg med fleire instruktørar/medinstruktørar. Ang. treningane utover vinteren satsar vi på utetrening på torsdagane og ein og annan laurdag i bassenget. Det er òg kome ønske om rullekurs, og det vil vi prøve å få til i ei eller anna form. Eit slikt kurs vert ikkje annonsert i avisa, men vil vere eit internt kurs i klubben og åpent kun for medlemmar (med grunnkurs eller tilsvarende kunnskapsnivå??). Instruktørar vil kunne vere Rune , Reidar, Roald og Petter Erik. Terje Sæle ønskte ikkje å vere instruktør.

7. Plasking i symjehallen.

Vi prøver å få til enkelte laurdagar e.v.t søndagar med eigentrening i symjehallen. Satsar òg på at vi får til eit rullekurs, samt også ei fellessamling før for å samkøyre instruksjonen på rullekurset.

9. Andre saker:

1. Endring av aldersgrense for medlemmer: Rune bringer på bane eit forslag om endring av aldersgrensa for klubbmedlemskap. Dette ut frå dei erfaringane han har gjort etter dei kursa / opplevings-dagane han har gjennomført i vår og sommar med bl.a ungdomskuleelevar. Bakgrunnen er at han, og heller ingen i styret eller i klubben har ytra ønske om / ønskjer å ta det

omfattande ansvaret det inneber å ha ikkje-myndige medlemmer med på treningane og turar. Forslag om endring til 18-års aldersgrense vil bli lagt fram for klubbmedlemmane på klubbkvelden.

2. Organisering av klubben. Styret foreslår ei omstrukturering av måten klubben vert driven på. Dette p.g.a erfaringar som er gjort dei to åra klubben har eksistert. Mesteparten av aktiviteten i klubben har i stor grad vore avhengig av Rune og Roald, noko som i lengda ikkje er haldbart. Det er derfor ønskjeleg å få fleire personar inn for å stimulere dei ulike aktivitetane vi ønskjer å drive med,, slik at oppgåvene blir fordelt på fleire personar. F.eks. kunne det vore aktuelt at ei gruppe var ansvarleg for å sette opp eit turprogram, ei gruppe kunne komme med forslag til sosiale samankomstar, det er kome ønskje frå fleire at det kunne vore kjekt å gjere andre ting enn berre å padle ilag, telemarkkøyring, kinogjengeri, ”afterpadling” o.s.v. Ei gruppe kunne vore ansvarleg for å sette opp eit kursprogram for kursaktiviteten. Det er opp til medlemmane å kome med ønskjer for kvar vi skal legge lista for klubbens aktivitetar. Dette er kanskje mest aktuelt når det er lågsesong for padling.

Styret ønskjer også at fleire er med og blir ansvarlege for torsdagstreningane, slik at der alltid er ein kontaktperson for kvar torsdag. På denne måten vil det alltid vere minst ein du kan padle ilag med. Slik det har vore i år så har det vore tilfeldig kor mange som har vore på torsdagstreningane, og mange gonger har det vore berre ein person, og det er ikkje særleg kjekt. Ingen blir pålagt å vere treningsansvarleg, men det er ønskjeleg at alle som har gått grunnkurs eller har tilsvarande kompetanse kan vere kontakt ein og annan torsdag. Kanskje kan to og to vere ansvarleg? Jo fleire vi fordeler treningane på jo færre torsdagar treng vi å vere ansvarlege. Styret vonar dette kan vere med å få opp aktiviteten og kontinuiteten på padlinga framover.